

OKTOBAR, 2015. godine

BROJ:30

„DOMSKI ŽIVOT“

„Jesen je drugo proljeće, kada svaki list postaje pupoljak“

Albert Camus



KORISNICI PIŠU...

PARK U DOMU I OKO NJEGA

Sadržaj parka je šarolik i bogat što se tiče drveća i voćaka, a bogami i cvijeća, pa i grožđa. Prvo ide bor, breza, divlji kesten, lipa, javor, jelke, ariš a na kraju i smreke.

A sada ide voće, koštunjavo tj. orasi kojih hvala bogu ima najviše.

Imamo i drugo voće, kao što su šljive, nisu kalemuše, naše bosanske, pa onda dođu jabuke, kojih ima puno i sazrijevaju svaka u svom terminu..

Krušaka ima malo manje, razdelije sazrijevaju, isto tako jako dobro. Kajsija i grožđe se oberu prije nego što sazre..

Moram napomenuti cvijeće raznih boja, u saksijama na svakom balkonu, a posebno imaju svoje mjesto u parku gdje cvatu ruže u različitim bojama kao i kadifice.

Imamo i smreke raznih vrsta jedne su visoke sa uskom krošnjom, druge su sa širokom krošnjom.

Park je divan, još i asfaltirane staze i pokraj staze klupe, gdje sjedimo i odmaramo u slučaju da se umorimo šetajući, ili sa namjerom da sjedneš u park.

Svako godišnje doba je različito. U proljeće se sve budi različito, cvjeta i raste, ljeti sve to prelazi plodove koji sazrijevaju i počinju se brati.

Sve se to pomno prati i bere jedan po jedan plod. Najveća gužva je oko oraha koji počinju da se beru kao rani pa sve dok posljednji ne opadne.

Oni najuporniji ustaju prije doručka, beru te svako nađe ponešto za sebe. Ali ima i onih koji saberu poprilično jer tačno znaju kada će izaći da beru.

Svaki naš korisnik ima svoju omiljenu voćku u parku, sa kojom se može poistovjetiti.

AUTOR TEKSTA: BEŠIĆ MUGDIN

ANEGDOTE

Rekli su:

Ljubav ne poznaje granice, ljubav ne poznaje ni životnu dob, jer se može beskrajno voljeti i u djetinjstvu i u starosti. Čovjek koji voli ne može ostariti jer je samo ljubav besmrtna.

Jadi mlade djevojke

Mila moja majko ja više ne znam tkati, svladala me žarka ljubav, koju mi je udahнула mila Afrodita, za mladićem jednim.

Rimski car Prokrust, je kažnjavao okrivljene na taj način, što ih je stavljao u svoju postelju.. Ko se nije uklapao po dužini i širini u tu postelju, on ga je rastezao ili skraćivao. Od tada je ostala poznata izreka Prokrustova postelja.

Sjedi cura u klupi na parku, pita je prolaznik da sjedne pored nje. Dok su tako razgovarali pita je prolaznik:

“ Kako ti je ime?”, a ona kao iz topa: “kao i nani.” - A, kako ti je nani ime?”

-uzvratil čovjek pitanjem.

Kao i meni - odgovori cura. Pa kako je ime i tebi i nani?

Isto- reče “pametna djevojka”.

Žena došla s posla kući prije muža, gladna podgrijava ručak I jedva čeka da muž dođe da jedu zajedno, ali on odmah sa vrata :

“ Nećemo ručati, ja nisam gladan.”Svaki komentar je suvišan.

ODABRALA: DŽEVAHIRA BORIĆ

PRVI OKTOBAR – MEĐUNARODNI DAN STARIH

U Kantonalnoj javnoj ustanovi "Gerontološki centar" Sarajevo kao i svake godine dosad, svečano je obilježen Prvi oktobar „Međunarodni dan starih osoba“.

Ovaj dan ima za cilj da se prvenstveno posjetimo na sve starije osobe koje žive u našem okruženju, te da ne samo ovog dana već kontinuirano radimo na unapređenju uslova života i zdravlja osoba treće životne dobi. Posjetila su nas dva kulturno umjetnička društva: KUD "Bašćaršija" i BKD "Dobrinja 93" iz Sarajeva. Pored njih posjetili su nas najmlađi korisnici, djeca iz vrtića "Sveta obitelj", koji su takođe otpjevali, nekoliko pjesama. Pored nastupa u revijalnom dijelu programa obilježavanja svojim prisustvom ovaj dan uveličale su brojne zvanice predstavnici Ministarstva za rad, socijalnu politiku, raseljena lica i izbjeglice, predstavnici Općine Novi Grad, Stranke penzionera, direktori i predstavnici ustanova iz oblasti socijalne zaštite, djeca iz KŠC Stup.

SLIKE SA OBILJEŽAVANJA PRVOG OKTOBRA







POSJETA HORA REDBIRD IZ NORVEŠKE

U ovom mjesecu imali smo posjetu članova kulturno-umjetničkog društva iz Norveške. Hor se sastojao od tridesetak članova koji se predstavljaju po imenom Redbird, što u slobodnom prevodu znači crvendać, ptica koja ima zanosan glas. Članovi hora iz Norveške su najveće emocije izazvali upravo izvođenjem naših pjesama, koje su interpretirali na jedan poseban način koji je u svima izazvao burne emocije. Gosti su došli u pratnji nekoliko članova hora KUD " Seljo". Svima njima zaista od srca hvala, jer prisustvovati jednom ovakvom koncertu je bilo zaista izvanredno.

SLIKE SA KONCERTA HORA IZ NORVEŠKE



POSJETA KORISNIKA OŠ „SV. JOSIP“ POVODOM „DANI KRUHA“

Naši korisnici su tradicionalno posjetili kolektiv i osoblje povodom obilježavanja „Dani kruha“ koji se održavaju u prostorijama KŠC „Sveti Josip“ na Stupu.

Naši domaćini su se kao i svake godine potrudili da nam prirede izvrstan doček sa brojnim delicijama koje su pripremali učenici sa svojim majkama, nanama, bakama.

Korisnici su kao i svake godine uživali na divnom prijemu i ukusnim slasticama, druživši se sa osobljem i učenicima ove škole.

SLIKE SA POSJETA KŠC STUP





POSJETA I DONACIJA NAŠEM CENTRU I KORISNICIMA

Kuvajćanin Alsaeid Ahmed uručio je vrijednu donaciju Gerontološkom centru u medicinskom materijalu te je lično uručio poklon paketiće korisnicima Centra koji su materijalno neobezbijedeni.



NAGRADNA IGRA BINGO

Ovog mjeseca dobitnik nagradne igre Bingo za mjesec oktobar je **Meliha Bešo.**

